

տալյալտութիւն՝ ուրուագծել էր արդէն Ռուսաստանի ապագայ պետական կազմը իբրևե ուսմկազար դաշնակցային հանրապետութիւն, օժտուած այն բոլոր սահմանադրական երաշխիքներով, որոնք անհրաժեշտ էին թւում, որպէսզի այդ հանրապետութիւնը, երկրի անտեսական եւ քաղաքակրթական զարգացմանը համընթաց, առանց որևէ կաշկանդումի եւ արհեստական յարազումի, դիմէ դէպի հանրային կեանքի այն ձեւերը, որոնց մէջ մարդու աշխատանքը պիտի դադարի չահագործման առարկայ լինելուց, որոնց մէջ մարդը այլևս միջոց չպէտք է լինի մարդու համար, այլ միայն նպատակ:

Մինչդեռ յեղափոխական Ռուսաստանը այս ծրագիրներն էր որոճում եւ նրանց դէմ ծառայած արգելքների դէմ մաքառում՝ անդին ուսական բոլշեւիզմը իր ժանիքներն էր սրում Վիլհելմից եւ Լուդենդորֆից ստացած խարտոցով եւ իր դարանները լարում միջադային արկածախնդիրների ձեռնտուութեամբ: Ու մի օր էլ, երբ նրան յաջողուեց երկարատեւ պատերազմից ջղայնացած զօրքը վերածել շղթայազերծ ստրուկների մի քաղմութեան, որին կարելի էր ամբոխալարական ճառերով գործիք դարձնել ամէն կարգի մութ գործերի համար՝ բոլշեւիզմը դուրս թուա իր դարանից, անցաւ այդ զինուած ամբոխի գլուխը եւ... մնացածը յայտնի է: Փետրուարեան Յեղափոխութիւնը անկեղան դետին էր փուլում եւ Ռուսաստանը՝ մատնուած ամբոխի ստորին, գաղանային բնագրներին՝ արեան ճապաղիքների, հրդեհի, աւերածութիւնների, սովի եւ համաճարակի մի դժոխք դարձած...

Յանուն ինչի՞:

Յանուն սոցիալիզմի: Յանուն այն սոցիալիզմի, որ նշանակում է մարդկայնութիւն եւ շէնութիւն: Յանուն այն սոցիալիզմի, որ դրախտի պիտի փոխէր երկիրը, բոլոր երկիրները...

Տասը տարի է անցել այդ մղձաւանջային օրերից, եւ մենք այսօր ի վիճակի ենք բոլշեւիզմի տարած ահռելի գոհերի եւ բերած արդիւնքի հաշուեկշիռը կազմելու: Հարկաւոր է միայն հոկտեմբերեան յեղաշրջման քաղաքական, ընկերային եւ անտեսական առաջադրու-

թիւնները դուգադրել այն իրականութեանը, որի մէջ դալարում են այսօր Սորհրդային իշխանութիւնը եւ նրա լծի տալ ընկած երկիրները:

Այս հաշուեկշիռը անհրաժեշտ է մանաւանդ այն պատճառով, որ բոլշեւիկները հոկտեմբերեան յեղաշրջման տասնամակի առթիւ աննախընթաց ապլոմբով վեր են հանում իրենց կատարած գործերը եւ ձեռք բերած արդիւնքները:

Անշուշտ որևէ յեղափոխութեան դրական կամ բացասական արժէքը չէ կարելի որոշել՝ միմիայն նրա առաջնորդների կողմից հրապարակ դրուած նպատակների իրագործումը չափանիշ դարձնելով: Յեղափոխութիւնը արժէքներ է ստեղծում եւ անկախ իր առաջնորդների կամքից, իրերի բնական ընթացքով: Այս տեսակէտից բացառութիւն չէ կազմում եւ հոկտեմբերեան յեղաշրջումը, որի խոշոր դերը ոչ մի ընկերարան կամ պատմարան անտես առնել չի կարող: Եւ եթէ մենք առաջին հերթին խօսում ենք ոչ թէ հոկտեմբերեան յեղաշրջման առարկայական դերի, այլ նրա առաջնորդների գործերի մասին՝ սրա պատճառները երկուս են. նախ՝ որ այդ առաջնորդները — բոլշեւիկները — իրենց «ձեռք բերած արդիւնքները» տօնական զարգարանք դարձնելով՝ մի անգամ եւս փորձում են մոլորեցնել միջադային աշխատաւորութեան կարծիքը իրենց կատարած եւ չկատարած գործերի շինժու պատմութիւններով, եւ սպա՝ որ նրանց առաջադրութիւնների եւ ձեռք բերած իրական արդիւնքների համեմատութիւնը խիստ հրահանդէ է այն բոլոր անհատների եւ հաւաքականութիւնների համար, որոնք հանրային կեանքը համաձայն իրենց ցանկութեան, եւ առանց առարկայական պայմանների նկատառութեան, կերտելու ցնորքներ են սնուցանում:

Պարզից բարդին անցնելու մեթոտով՝ քննենք հոկտեմբերեան յեղաշրջման ղեկավար կոմունիստական կուսակցութեան գործերը՝ արտաքին կամ միջադային քաղաքական խընդիրներից սկսելով, մանաւանդ որ իրենք բոլշեւիկներն էլ փաստօրէն այստեղից սկսեցին իրենց գործունէութիւնը:

Այս մարզի մէջ բոլշեւիկեան կուսակցու-